



Ukuhlomisa izingane zethu
ngelikusasa

RI 1

Isihloko sesifundo: Ukuhlakanipha kobuNkulunkulu - USolomoni

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa **Ukuhlakanipha kobuNkulunkulu - USolomoni**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le- RI 1. 2.4: Uyacelwa uthinte uThisha wakho we – RI 1 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se – RI 1 nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi webandla lakho noma uThisha.



Isifundo

Isihloko	Ukuhlakanipha kobuNkulunkulu – USolomoni
Umbhalo weBhayibheli	1 AmaKhosi 3
Inhloso yesifundo	Izingane zifunda ukuqonda ukuthi kusho ukuthini ukuhlakanipha.

Isifundo esifingqiwe:

Siyazi ukuthi uNkulunkulu othandekayo unamandla onke. Uma wayefuna, wayengazifeza zonke izifiso zethu.

Ake ucabange nje uma uNkulunkulu ubekhuluma nathi ngqo futhi asibuze, "Ngizofeza isifiso sakho esisodwa. Ingabe yini oyifisayo na?" Yisiphi isifiso ongaba naso na? (Vumela izingane ziphendule)

Lapho uDavide esemdala, wabeka indodana yakhe uSolomoni, ngaleso sikhathi eyayineminyaka engaphezulu kwengama-20 ubudala, ukuba ibe yinkosi. Lensizwa yabhekana nemisebenzi enzima. Wabuye waba yinhloko yombuso, umahluleli ophakeme kakhulu nomphathi-omkhulu.

UNkulunkulu wabonakala enkosini esencane ngephupho futhi Yena wathi: *"Cela lokhu othanda ukuba ngikunike khona"*.
(1 AmaKhosi 3: 5).

Funda 1 AmaKhosi 3: 9–12 kanye nezingane.

USolomoni wayazi ukuthi kungumsebenzi omkhulu ukuhola nokwahlulela abantu bakwa-ISirayeli. Wayengumuntu owesaba uNkulunkulu futhi wacela kuNkulunkulu inhliziyo enokuqonda phakathi kokubi nokuhle.

UNkulunkulu wanika uSolomoni inhliziyo enokuhlakanipha kanye nokuqonda, kepha ngaphezu kwalokho, wamnika nengcebo enkulu nodumo.

- Ukuze sihlakaniphe, kufanele sikwazi ukulalela ngenhliziyo yethu ukuze siqaphele okuhle nokubi.

- USolomoni wayazi ukuthi wayezoba yithuluzi esandleni sikaNkulunkulu ukuze ahole abantu bakwa-ISirayeli ngokwentando kaNkulunkulu. Wayedinga inhliziyo ehlakaniphile ukuqonda ukuthi uNkulunkulu ungubani.

- Ngisho noJesu wakhuluma ngenhlakanipho kaSolomoni (cf. NgokukaMathewu 12:42). Isibonelo esisodwa sokuhlakanipha kwakhe kwakungukwahlulela akuphimisa lapho abesifazane ababili bephikisana ngomntwana.



USolomoni wenza isinqumo esihlakaniphile kakhulu lapha. Ngomyalo wakhe wokuba kuhlukaniswe ingane phakathi, kwacaca obala ukuthi wayengubani ngempela unina wengane. Lokhu kwamenza wakwazi ukuphimsa ukwahlulela okufanelekile.

Ngaleso sikhathi, ukwakha lesi sakhiwo kwakungumsebenzi ongacabangeki. Ukuze unikeze izingane umqondo othile ngalokhu, funda isigaba esihambelanayo esithi “UKwakiwa KweThempeli” ikhasi 56 encwadini yokusebenzela.


Ingabe sisifundisa ini lesisifundo na?

Ukwesaba uNkulunkulu kuyisidingo sokuqala sokuba uhlakaniphe.

- Ukuze ube nokuhlakanipha kobuNkulunkulu, okokuqala kudingekile ukuzwa izwi likaNkulunkulu elihambisana nesikhathi bese lithinta inhliziyo yakho.
- Lona ngumbandela wokuqonda lokho okufunwa nguNkulunkulu.
- Izwi laKhe liyiqiniso. Ukwazi iqiniso lobuNkulunkulu kusiholela olwazini. Ukusukela kulokhu kuthuthukisa ikhono lokwenza izinto ngokuhlakanipha.
- Njengabantu sivame ukwahlulela ngokuxhamazela ngokungalaleli kahle ngenhliziyo yethu.


Kuleviki zijwayeze ukusebenzisa lokho okuzwile ngalesi sifundo ukwenza izinto ngokuhlakanipha.

IBhodi



Yenza umsebenzi nengane yakho.

Izimpendulo zomsebenzi





Eminye imibuzo esingayibuza:

1. Ingabe kuyini ukwesaba uNkulunkulu na?

Impendulo: Ukwesaba ukuthi sizodumaza uNkulunkulu ngezenzo zethu.

2. Ingabe silitola kuphi izwi likaNkulunkulu na?

Impendulo: Enkonzweni eNgcwele, Kubanga lokuFundisa ngezeNkolo, eBhayibhelini.

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen

Umkhuleko ekupheleni kwesifundo:

Baba oseZulwini othandekayo.

Siyakubonga ngokusigcina kwaKho siphephile.

Ngisize ukuba ngibe nomusa kubo bonke.

Siyabonga ukuthi unguMelusi oLungileyo osithandayo nosiqondisayo.

Amen.